



# Strandabyggð

## Endurskoðunarskýrsla 2021

Ársreikningur 2021

–

10 maí 2022

# Inngangur

## Til sveitarstjórnar Strandabyggðar

Skýrsla þessi inniheldur niðurstöður endurskoðunar okkar á ársreikningi fyrir árið 2021 og er ætlað að upplýsa um atriði sem komu í ljós við endurskoðunina og við teljum að eigi erindi við ykkur.

Við munum fúslega ræða þau mál frekar sem fram koma í skýrslunni.

Við endurskoðunina höfum við það að markmiði að veita óháð álit á ársreikningnum og staðfesta að skýrsla sveitarstjóra og sveitarstjórnar uppfylli kröfur laga.

Endurskoðun okkar mun ljúka samhliða áritun sveitarstjórnar og gerum við ráð fyrir að árita ársreikning sveitarfélagsins með fyrirvaralausri áritun þegar sveitarstjórn hefur samþykkt hann og mál sem fram koma á blaðsíðu 4 eru frágengin.

Skýrsla þessi verður formlega gefin út þegar við höfum lokið endurskoðuninni.

Við viljum benda ykkur á mikilvæg atriði á blaðsíðu 22 sem útskýra:

- tilganginn með skýrslunni,
- hvaða takmarkanir eru á vinnunni sem fram fór,
- takmörkun á ábyrgð vegna dreifingar á skýrslunni.

# Efnisyfirlit

1	Gæði í endurskoðun	3
2	Niðurstaða endurskoðunar	4
3	Mikilvægi	5
4	Umfang endurskoðunar	6
5	Fyrirhuguð áritun endurskoðanda	7
6	Áherslur í endurskoðun	8
7	Ítarefni	19
8	Viðaukar	24

Hugtakið **gæði** felur í sér að gera hið rétta og er það helsta forgangsverkefni okkar. **Gæðaramminn** útskýrir hvernig við skilum gæðavinnu og hvernig allir eigendur og starfsmenn leggja sitt af mörkum til þess.



**'Skuldbindingar um gæði'** eru kjarninn í gæðarammanum ásamt stöðugri vöktun og endurbótum til að uppfylla kröfur gæðadrifkraftanna.



**Drifkraftar gæða** okkar eru hornsteinar í nálgun okkar ásamt stuðningi sérfræðinga gefa skýrar leiðbeiningar sem hvetja til réttar framkvæmdar við endurskoðunina.



**Gera ávallt hið rétta.**

Við skilgreinum „gæði í endurskoðun“ þegar endurskoðunin er unnin:

- með samræmdum hætti í takt við kröfur og tilgang viðeigandi faglegra staðla innan áreiðanlegs gæðastjórnunarkerfis, og
- allar aðgerðir okkar eru unnar í umhverfi þar sem gerðar eru ítrustu kröfur um hlutlægni, óhæði, siðferði og heiðarleika.

# Niðurstaða endurskoðunar

## Áherslur í endurskoðun

- Innra eftirlit og sniðganga stjórnenda á eftirliti
- Stjórnsýsluskoðun
- Önnur atriði

## Óleiðréttir mismunir

Mismunum eða skekkjum sem fram koma við endurskoðunina er safnað á sérstaka mismunalista og er lagt mat á uppsöfnuð áhrif þeirra undir lok endurskoðunarinnar.

Fram hefur komið einn óleiðréttur mismunur að fjárhæð 2,0 millj. kr. Um er að ræða vantalið áfallið orlof í rekstrarreikningi sem og meðal annarra skammtímaskulda.

Mismunurinn er talinn hafa óveruleg áhrif á ársreikning sveitarfélagsins.

## Mál frágengin samhliða seinni umræðu um ársreikning

- Staðfestingabréf stjórnenda
- Afgreiðsla og áritun sveitarstjórnar
- Undirrituð áritun endurskoðanda
- Lokaútgáfa endurskoðunarskýrslu

## Veikleikar í innra eftirliti

Við viljum benda á að á skrifstofu sveitarfélagsins er aðgreining starfa í ákveðnum tilfellum ekki með fullnægjandi hætti.

Við skoðun okkar á innra eftirliti komu ekki fram aðrir verulegir veikleikar á innra eftirliti.

Við höfum einnig komið á framfæri ábendingum um veikleika í innra eftirliti sem ekki teljast verulegir en tækifæri eru til úrbóta.

## Veikleikar í stjórnsýslu

Við ítrekum fyrri ábendingu okkar um mikilvægi þess að gjaldskrár séu birtar í B-deild Stjórnartíðinda.

Í sérstakri skýrslu okkar til stjórnenda höfum við komið á framfæri ýmsum ábendingum í kjölfar stjórnsýsluskoðunar okkar.

## Umfang endurskoðunar

Umfang endurskoðunar okkar nær yfir samstæðuársreikning sveitarfélagsins en undir hann falla sveitarsjóður, stofnanir og fyrirtæki þess, sbr. 61. gr. sveitarstjórnarlaga.

Yfirlit yfir umfang endurskoðunar má sjá á bls. 6.

## Tekjur (skv áætlun 2021)

**633,1 m.kr.**

(2020: 677,9 m.kr. - meðaltekjur)

## Mikilvægi

**19,0 m.kr.**

**3,0% af áætluðum tekjum 2021**

(2020: 20,3 m.kr., 3,0%)

## Ákvörðun mikilvægis

Mikilvægismörk eru mat okkar á því hver ásættanleg skekkja í ársreikningi er. Við ákvörðun mikilvægismarkna er lagt mat á hversu mikil skekkja yrði til þess að breyta ákvörðun notenda reikningsskilanna.

Til að bregðast við uppsafnaðri áhættu eru endurskoðunaraðgerðir skipulagðar til að finna skekkjur sem eru lægri en mikilvægismörkin. Í sumum tilvikum lækkum við þessi mörk enn frekar vegna liða sem kunna að vekja mikinn áhuga notenda reikningsskilanna.



Mismunur tilkynntur til sveitarstjórnar (2020: 1,0 m.kr.)

**1,0 m.kr.**


Mikilvægi fyrir eintaka liði reikningsskilanna (2020: 13,2 m.kr.)

**12,3 m.kr.**

Mikilvægi fyrir reikningsskilin í heild (2020: 20,3 m.kr.)

**19,0 m.kr.**

## Mikilvægi sem hlutfall af:



## Við munum tilkynna um:



Leiðréttan mismun



Óleiðréttan mismun



Skekkjur og skortur á upplýsingum í skýringum (Leiðrétt og óleiðrétt)

# Umfang endurskoðunar

## Umfang endurskoðunar Strandabyggðar 2021

Sjóður / félag	Hlutfall tekna	Nálgun	Endurskoðandi
Strandabyggð	94,2%	Endurskoðaður árseikningur	KPMG
<i>Aðalsjóður</i>	<i>A hluti</i>		
<i>Eignasjóður</i>	<i>A hluti</i>		
<i>Þjónustustöð</i>	<i>A hluti</i>		
<i>Hafnarsjóður</i>	<i>B hluti</i>		
<i>Vatnsveita</i>	<i>B hluti</i>		
<i>Veitustofnun</i>	<i>B hluti</i>		
<i>Fráveita</i>	<i>B hluti</i>		
<i>Félagslegar íbúðir</i>	<i>B hluti</i>		
Sorpsamlag Strandasýslu ehf.	<i>B hluti</i>	5,8% Óendurskoðaður ársreikningur	KPMG
	100,0%		

Umfang endurskoðunar okkar nær yfir samstæðuársreikning sveitarfélagsins en undir hann falla sveitarsjóður, stofnanir og fyrirtæki þess, sbr. 61. gr. sveitarstjórnarlaga.

Við mat á umfangi er horft til tekna hvernar einingar sem fellur undir samstæðuna og er hlutfallsleg skipting sýnd hér að ofan.

# Fyrirhuguð áritun óháðs endurskoðanda

## Áritun óháðs endurskoðanda

Til sveitarstjórnar Strandabyggðar.

### Áritun um endurskoðun ársreikningsins

#### Álit

Við höfum endurskoðað ársreikning Strandabyggðar fyrir árið 2021, sem hefur að geyma samstæðureikning fyrir sveitarfélagið, þ.e. sveitarsjóð, stofnanir þess og fyrirtæki með sjálfstætt reikningshald. Hann greinist í rekstrarreikning, efnahagsreikning, sjóðstreymisýfirlit, upplýsingar um mikilvægar reikningskilaáðferðir og aðrar skýringar.

Það er álit okkar að ársreikningurinn gefi glögga mynd af fjárhagsstöðu sveitarfélagsins 31. desember 2021 og afkomu þess og breytingu á handbæru fé á árinu 2021, í samræmi við lög um ársreikninga og sveitarstjórnarlög.

#### Ábending

Án þess að gera fyrirvara við álit okkar viljum við vekja athygli á fjárhagsstöðu sveitarfélagsins. Líkt og fram kemur í skýrslu og áritun oddvita og sveitarstjórnar þá er rekstrarniðurstaða A og B hluta neikvæð um 39,5 millj. kr. samkvæmt rekstrarreikningi 2021, skuldir og skuldbindingar A og B hluta nema 862,5 millj. kr. samkvæmt efnahagsreikningi. Veltufjárlutfall er 0,92 sem þýðir að skammtímaskuldir eru umfram veltufjárumni en hreint veltufé er neikvætt um 9,6 millj. kr.

#### Grundvöllur álitis

Við endurskoðum í samræmi við alþjóðlega endurskoðunarstaðla. Ábyrgð okkar samkvæmt stöðlunum er lýst frekar í kaflanum *Ábyrgð endurskoðanda á endurskoðun ársreikningsins* í árituninni. Við erum óháð sveitarfélaginu í samræmi við gildandi síðareglur fyrir endurskoðendur. Við teljum að við höfum afið nægilegra og víðeigandi endurskoðunargagna til að byggja álit okkar á.

#### Ábyrgð sveitarstjórnar og oddvita á ársreikningnum

Sveitarstjórn og oddviti eru ábyrg fyrir gerð og glöggri framsetningu ársreikningsins í samræmi við lög um ársreikninga og sveitarstjórnarlög og fyrir því innra eftirliti sem þau telja nauðsynlegt til að gera þeim kleift að setja fram ársreikning sem er án verulegra annmarka, hvort sem er vegna sviksemi eða mistaka.

Við gerð ársreikningsins ber sveitarstjórn og oddvita að leggja mat á rekstrarhæfi sveitarfélagsins og upplýsa, eftir því sem við á, um þætti er varða rekstrarhæfi og miða grundvöll reikningskilaanna við áframhaldandi rekstrarhæfi nema það sé ekki lengur til staðar.

Sveitarstjórn og oddviti skulu hafa eftirlit með gerð og framsetningu ársreikningsins.

#### Ábyrgð endurskoðanda á endurskoðun ársreikningsins

Markmið okkar eru að öðlast hæfilega vissu um hvort ársreikningurinn í heild sé án verulegra annmarka, hvort sem er vegna sviksemi eða mistaka, og að gefa út áritun endurskoðanda sem inniheldur álit okkar. Í hæfilegri vissu felst áreiðanleiki en ekki trygging fyrir því að endurskoðun í samræmi við alþjóðlega endurskoðunarstaðla muni alltaf leiða í ljós verulega annmarka ef þeir eru fyrir hendi. Annmarkar geta komið fram vegna sviksemi eða mistaka og eru taldir verulegir ef þeir einir og sér eða samanlagt gætu haft áhrif á efnahagslegar ákvarðanir sem notendur ársreikningsins taka á grundvelli hans.

## Áritun óháðs endurskoðanda, frh.:

### Ábyrgð endurskoðanda á endurskoðun ársreikningsins, frh.:

Við endurskoðun í samræmi við alþjóðlega endurskoðunarstaðla beitung við ávallt faglegri dómgreind og viðhöfum faglega gagnrýni. Að auki:

- Greinum við og metum hættu á verulegri skekkju í ársreikningnum, hvort sem er vegna sviksemi eða mistaka, skipuleggjum og framkvæmum endurskoðunaraðgerðir til að bregðast við þeirri hættu og öflum endurskoðunargagna sem eru nægjanleg og víðeigandi til að byggja álit okkar á. Hættan á að uppgötva ekki verulega skekkju vegna sviksemi er meiri en að uppgötva ekki skekkju vegna mistaka, þar sem sviksemi getur falið í sér samsæri, fölsun, að einhverju sé viljandi sleppt, villandi framsetningu eða að farið sé framhjá innra eftirliti.
- Öflum við skilnings á innra eftirliti, sem varðar endurskoðunina, til að skipuleggja víðeigandi endurskoðunaraðgerðir, en ekki til að veita álit á virkni innra eftirlits sveitarfélagsins.
- Metum við hvort reikningskilaáðferðir og reikningshaldslegt mat stjórnenda og tengdar skýringar séu víðeigandi.
- Ályktum við um hvort notkun sveitarstjórnar og oddvita á forsendu reikningskilaanna um rekstrarhæfi sé víðeigandi og metum, á grundvelli endurskoðunarinnar, hvort aðstæður séu til staðar sem valdið gætu verulegum vafa um áframhaldandi rekstrarhæfi sveitarfélagsins. Ef við teljum að verulegur vafi leiki á rekstrarhæfi ber okkur, í áritun okkar, að vekja sérstaka athygli á víðeigandi skýringum ársreikningsins eða, ef slíkar skýringar eru ófullnægjandi, að víkja frá fyrirvaralausri áritun. Niðurstaða okkar byggir á endurskoðunargögnum sem aflið er fram að dagsetningu áritunar okkar. Samt sem áður geta atburðir eða aðstæður í framtíðinni haft neikvæð áhrif á rekstrarhæfi sveitarfélagsins.
- Metum við framsetningu, uppbyggingu og innihald ársreikningsins í heild, að meðtöldum skýringum, og hvort ársreikningurinn gefi glögga mynd af undirbyggjandi viðskiptum og atburðum.
- Öflum við nægilegra og víðeigandi endurskoðunargagna varðandi fjárhagslegar upplýsingar rekstrareininga sem falla undir starfsemi sveitarfélagsins til að geta gefið álit á ársreikningnum. Við erum ábyrg fyrir skipulagi, eftirliti og framkvæmd endurskoðunar sveitarfélagsins og berum óskipta ábyrgð á áritun okkar.

Við upplýsum sveitarstjórn meðal annars um áætlað umfang og tímasetningar endurskoðunarinnar og veruleg atriði sem komu upp í endurskoðun okkar, þar á meðal verulega annmarka á innra eftirliti.

### Staðfesting vegna annarra ákvæða laga

Í samræmi við ákvæði 2. mgr. 104 gr. laga nr. 3/2006 um ársreikninga staðfestum við samkvæmt okkar bestu vitund að í skýrslu oddvita og sveitarstjórnar sem fylgir þessum ársreikningi eru veittar þær upplýsingar sem þar ber að veita í samræmi við lög um ársreikninga og koma ekki fram í skýringum.

Hólmavík, 2022.

**KPMG ehf.**



Flækjustig



Færslur við tengda aðila



Næmi fyrir sviksemi

## 1 Innra eftirlit og fjárhagskerfi

### Skilgreining

- Innra eftirlit og virkni þess er veigamikill þáttur í að tryggja áreiðanleika fjárhagsupplýsinga, örugga meðferð og vörslu fjármuna og að ekki hljóttist tjón af villum, mistökum eða misnotkun.

### Viðbrögð í endurskoðuninni

- Með fyrirspurnum, yfirferð fundargerða og skoðun á gögnum metur endurskoðunarteymi styrkleika þess eftirlitsumhverfis sem til staðar er.
- Lykilferlar eru yfirfarnir með það að markmiði að bera kennsl á eftirlitsþætti sem stjórnendur hafa komið á til að bregðast við hættu á verulegri skekkju.
- Aðgreining starfa er könnuð t.d. með yfirferð á heimildum starfsmanna, aðgangsstýringum og öðrum þáttum í upplýsingakerfum sveitarfélagsins.
- Úrtaksprófanir eru framkvæmdar til staðfestingar á annars vegar réttmæti og tilurð kostnaðar og hins vegar til yfirferðar á heimildum aðila til samþykktar.
- Við prófum eftirlit stjórnenda með framvindu fjárhagsáætlana .

### Niðurstaða

Ekki komu fram verulegir veikleikar á innra eftirliti aðrir en þeir er snúa að aðgreiningu starfa en aðskilnaður á milli færslu bókhalds annars vegar, og greiðslna, hins vegar er ekki fullnægjandi.

Samhliða vinnu okkar við endurskoðunina höfum við komið ábendingum okkar á framfæri við stjórnendur og starfsmenn sveitarfélagsins eftir því sem við hefur átt hverju sinni.

Munum við fylgja ábendingum okkar eftir við endurskoðunarvinnu vegna ársins 2022.





Flækjustig



Færslur við  
tengda aðila



Næmi fyrir  
sviksemi

## 2 Möguleg sniðganga stjórnenda á eftirliti

### Skilgreining

- Stjórnendur eru í þeirri aðstöðu að geta átt við fjárhagsfærslur og sett fram röng reikningsskil með því að sniðgagna eftirlitsaðgerðir sem annars virðast vera skilvirkar og þannig haft áhrif á reikningsskilin.
- Sniðgangi stjórnendur innra eftirlit getur það skapað sviksemisáhættu.
- Endurskoðendum er skylt að framkvæma aðgerðir sem miða sérstaklega að því að kanna hvort stjórnendur hafa sniðgengið eftirlit.

### Viðbrögð í endurskoðuninni

- Við prófum virkni eftirlita með færslum og lokafærslum.
- Við metum hvort breytingar milli ára á aðferðum og forsendum við reikningshaldslegt mat eru viðeigandi.
- Við skoðum veruleg viðskipti sem eru ekki hluti af hefðbundinni starfsemi sveitarfélagsins eða eru óvenjuleg að einhverju leyti og mátum hvort þau væru viðeigandi.
- Við leitum að sviksemisfærslum með sjálfvirkum aðgerðum og gagnagreiningum.
- Við greinum og prófuðum verulegar færslur og lokafærslur sem voru færðar við undirbúning reikningsskilanna.

### Niðurstaða

Ekki komu fram vísbendingar um sniðgöngu stjórnenda á innra eftirliti.



Flækjustig



Næmi fyrir  
hlutdrægni/  
sviksemi



Ósamræmi

## 3 Stjórnsýsluskoðun

### Skilgreining

- Samkvæmt 3. mgr. 72. gr. sveitarstjórnarlaga nr. 138/2011 skulu endurskoðendur sveitarfélaga meðal annars „kanna hvort fullnægjandi heimildir hafi verið fyrir útgjöldum og hvort almenn stjórnsýsla sveitarfélags og einstakar ákvarðanir af hálfu þess eru í samræmi við reglur um fjármál sveitarfélags, ábyrga fjármálastjórn og upplýsingaskyldu sveitarfélaga.“
- Lagareglur gilda um form ákvarðana um álagningu skatta og þjónustugjalda og ákvarðana um hvers kyns útgjöld sveitarfélaga.
- Séu ákvarðanir ekki teknar í samræmi við lög kann að leika vafi á heimildum til álagningar skatta og gjalda og ráðstöfunar fjármuna

### Viðbrögð í endurskoðuninni

- Kannað var hvort sveitarstjórn hafi fylgt ákvæðum laga, reglna og samþykktar er lúta að stjórnsýslu, svo sem sveitarstjórnarlögum og lögum um tekjustofna sveitarfélaga.
- Í tengslum við stjórnsýsluskoðun var meðal annars aflað upplýsinga af heimasíðu sveitarfélagsins, vef Stjórnartíðinda og úr fundargerðum, auk þess sem tekin voru viðtöl við stjórnendur sveitarfélagsins.

### Niðurstaða

Í samræmi við niðurstöðu stjórnsýsluskoðunar 2021 þá viljum við benda á mikilvægi þess að gjaldskrár séu birtar í B-deild Stjórnartíðinda svo gildistaka þeirra sé hafin yfir allan vafa.

Við viljum taka fram að samhliða stjórnsýsluskoðun okkar höfum við komið ábendingum okkar á framfæri við stjórnendur sveitarfélagsins eftir því sem við hefur átt hverju sinni.

Auk þess komum við ábendingum til sveitarstjóra í sérstakri skýrslu þar sem settar eru fram ábendingar varðandi stjórnsýslu og önnur atriði sem tengjast vinnu okkar.

Munum við fylgja ábendingum okkar eftir við endurskoðunarvinnu vegna ársins 2022.

## 4 Rekstrartekjur

Aðrar áherslur í endurskoðun

### Skilgreining

Skatttekjur eru færðar til tekna við álagningu þeirra en til lækkunar er færð reiknuð niðurfærsla vegna óinnheimtra skatttekna. Til skatttekna heyrir útsvar, fasteignaskattur og framlög úr Jöfnunarsjóði sveitarfélaga, auk annarra tekna sem hafa ígildi skatta, svo sem lóðarleiga.

Tekjur af sölu þjónustu og vöru eru færðar þegar afhending hefur farið fram og kröfuréttur myndast.

Áfallnar vaxtatekjur eru færðar til tekna í samræmi við höfuðstól og skilmála vaxtaberandi krafna.

Arðstekjur eru færðar til tekna þegar réttur til þeirra hefur myndast. Hagnaður eða tap af sölu varanlegra rekstrarfjármuna er reiknað sem mismunur söluverðs og bókfærðs verðs og er hann færður í rekstrarreikning meðal rekstrartekna eða -gjalda, eftir því sem við á.

Sundurliðun rekstrartekna má sjá í skýringu 4 með ársreikningi.

### Viðbrögð í endurskoðuninni

Við endurskoðun okkar á útsvari og framlögum frá Jöfnunarsjóði var stuðst við ytri gögn frá Fjársýslu ríkisins og Jöfnunarsjóði, auk samanburðar við önnur gögn.

Endurskoðun fasteignagjalda og annarra tekna fól m.a. í sér greiningaraðgerðir, staðfestingar við undirliggjandi gögn, yfirferð með stjórnendum á helstu frávikum frá fjárhagsáætlun og samanburði við fyrra ár.

Engin breyting er á endurskoðunarnálgun okkar frá fyrra ári.

### Niðurstaða

Við gerum ekki athugasemdir við færslu rekstrartekna í ársreikningi sveitarfélagsins.

# Áherslur í endurskoðun

## 5 Laun og tengd gjöld

## Aðrar áherslur í endurskoðun

### Skilgreining

Laun og launatengd gjöld nám 402,8 millj. kr. vegna ársins 2021 eða um 57,8% af heildartekjum sveitarfélagsins.

Þar ef nema framlög vegna uppgjörs A deildar Brúar líffeyrissjóðs um 0,9 millj. kr. á árinu 2021.

Sundurliðun launa og tengdra gjalda má sjá í skýringu 5 með ársreikningi.

### Viðbrögð í endurskoðuninni

Endurskoðun launa og launatengdra gjalda felur meðal annars í sér framkvæmd greiningaraðgerða, yfirferð og prófanir á eftirlitsaðgerðum tengdum launaferli auk staðfestinga samkvæmni gjaldfærslu fjárhagsbókhalds og útreiknings launakerfis.

Engin breyting er á endurskoðunarnálgun okkar frá fyrra ári.

### Niðurstöður okkar

Við gerum ekki athugasemdir við færslu launa og launatengdra gjalda í ársreikningi sveitarfélagsins.

## 6 Annar rekstrarkostnaður

## Aðrar áherslur í endurskoðun

### Skilgreining

Útgjöld eru færð í ársreikninginn á því tímabili sem til þeirra er stofnað og kröfuréttur seljanda hefur myndast.

Annar rekstrarkostnaður nam 236,4 millj. kr. á árinu 2021 eða um 33,9% af heildartekjum sveitarfélagsins.

### Viðbrögð í endurskoðuninni

Endurskoðun felur í sér greiningaraðgerðir, yfirferð með stjórnendum á helstu frávikum frá fjárhagsáætlun og fyrra ári auk þess að leggja mat á eftirlitsaðgerðir tengdar öðrum rekstrarkostnaði.

Farið er yfir samþykki kostnaðarreikninga og staðfest að það sé í samræmi við úthlutaðar heimildir.

### Niðurstöður okkar

Við gerum ekki athugasemdir við færslu annars rekstrarkostnaðar í ársreikningi sveitarfélagsins.

## 7 Varanlegir rekstrarfjármunir

Aðrar áherslur í endurskoðun

### Skilgreining

Varanlegir rekstrarfjármunir aðrir en lóðir og lendur sem sveitarfélagið hefur leigutekjur af eru færðir til eignar í efnahagsreikningi á kostnaðarverði að frádregnum afskriftum. Kostnaðarverð samanstendur af beinum kostnaði sem fellur til við öflun rekstrarfjármuna. Frá kostnaðarverði dragast álögð gatnagerðargjöld og önnur framlög og endurgreiðslur vegna stofnkostnaðar.

Lóðir og lendur sem sveitarfélagið hefur leigutekjur af eru færðar á gangverði eða núvirði framtíðarleigutekna samkvæmt fyrirbyggjandi leigusamningum sé það lægra.

Lóðir og lendur eru endurmetnar með reglubundnum hætti, ef endurmetið verð þeirra er 5% umfram bókfært verð, sbr. álit reikningsskila og upplýsinganefndar 2/2010.

Endurmat lóða og lendna er fært á eiginfjárreikning.

Framsetning og matsaðferðir í ársreikningi eru óbreyttar frá fyrra ári, sjá nánar í skýringu 8 með ársreikningi.

### Viðbrögð í endurskoðuninni

Endurskoðun felur meðal annars greiningaraðgerðir, yfirferð og prófanir á eftirlitsaðgerðum tengdum fjárfestingu ársins, auk úrtaksskoðunar á fjárfestingu ársins.

Yfirferð og endurreikningur á fyrningarskýrslum og gjaldfærslu afskrifta sem og áætluðum nýtingartíma eigna.

Samanburður er gerður milli fjárfestingar og fjárfestingaráætlunar og skýringa leitað á helstu frávikum.

Yfirferð á forsendum og útreikningi vegna endurmats lóða og lendna.

Engin breyting er á endurskoðunarnálgun okkar frá fyrra ári.

### Niðurstaða

Við gerum ekki athugasemdir við færslu varanlegra rekstrarfjármuna í ársreikningi sveitarfélagsins.

## 8 Stofnframlög og eignarhlutir í félögum

Aðrar áherslur í endurskoðun

### Skilgreining

Stofnframlög og eignarhlutir A og B hluta í félögum nema alls 48,5 millj. kr. í árslok samkvæmt efnahagsreikningi 2021.

Stærstu eignarhlutir í árslok voru 0,45% eignarhlutur í Lánasjóði sveitarfélaga ehf. sem bókfærður er á 39,6 millj. kr. og 44,16% eignarhlutur Hornsteinum ehf. sem bókfærður er á 7,5 millj. kr.

Í árslok 2021 var gengið frá sölu á eignarhlut sveitarfélagsins í félaginu Laugarhóli ehf. og fer afhending fram 1. janúar 2022. Færslur vegna þessa eru þar af leiðandi færðar í fjárhagsbókhald á árinu 2022.

Hlutdeild minnihluta í neikvæðri afkomu Sorpsamlags Strandasýslu ehf. nemur á árinu 2021 1.485 þús. kr.

Framsetning og matsaðferðir í ársreikningi eru óbreyttar frá fyrra ári, sjá nánar í skýringu 9 með ársreikningi.

### Viðbrögð í endurskoðuninni

Við endurskoðun okkar á eignarhlutum í félögum yfirforum við m.a. mat á eignarhlutum og réttmæti reikningshaldslegrar meðferðar þeirra og framsetningu.

Engin breyting er á endurskoðunarnálgun okkar frá fyrra ári.

### Niðurstöður okkar

Við gerum ekki athugasemdir við færslu stofnframlaga og eignarhluta í félögum í ársreikningi sveitarfélagsins.

## 9 Lífeyrisskuldbinding

Aðrar áherslur í endurskoðun

### Skilgreining

Lífeyrisskuldbinding vegna lífeyrisréttinda starfsmanna sveitarfélagsins er færð sem skuldbinding í efnahagsreikningi á grundvelli tryggingarfræðilegrar úttektar í árslok 2021. Um er að ræða skuldbindingu vegna áunninna réttinda núverandi og fyrrverandi starfsmanna í B deild Lífeyrissjóðs starfsmanna ríkisins.

Reiknuð breyting á skuldbindingunni á árinu er gjaldfærð í rekstrarreikningi eins og gerð er grein fyrir í skýringu 13 í ársreikningi.

Gjaldfærsla vegna breytinga á skuldbindingunni er mun meiri en undanfarin ár. Í yfirliti um breytingar í meðfylgjandi töflu er gjaldfærslan greind í þrennt:

- Áhrif „hefðbundinna“ breytinga á skuldbindingu, sem felur í sér m.a. áhrif af launahækkunum (sem námu 7,6% á árinu 2021), ávinnslu réttinda núverandi starfsmanna og áhrif vaxta vegna núvirðingar.
- Áhrif breytinga á dánarlíkum, en í árslok 2021 staðfesti ráðherra nýjar dánar- og eftirlifendatöflur sem nota á við þennan útreikning. Þær byggja á nýjustu upplýsingum um dánartíðni og spá um lækkandi dánartíðni. Þessar breytingar leiða til hækkunar á skuldbindingu sveitarfélagsins um 6,0%.
- Áhrif breytinga á hlutfalli launagreiðanda í kjölfar endurreiknings tryggingastærðfræðings lífeyrissjóðsins á því hvernig reiknað er með að lífeyrisgreiðslur skiptast milli lífeyrissjóðsins annars vegar og launagreiðanda hins vegar. Við útreikning á skuldbindingu sveitarfélagsins í árslok 2020 var áætlað hlutfall launagreiðanda 50%, en samkvæmt endurútreikningi í árslok 2021 er hlutfall launagreiðanda áætlað 54,3%. Þessi endurútreikningur er framkvæmdur fyrir hvern og einn launagreiðenda en hlutfallið er ekki það sama fyrir alla launagreiðendur.

### Yfirlit um breytingar á skuldbindingu launagreiðanda frá fyrra ári

	Fjárhæð	hlutfall
Áfallin skuldbinding launagreiðanda í ársbyrjun	44.443	
Þátttaka í lífeyrisgreiðslum á árinu	( 640 )	-1,4%
Áhrif „hefðbundinna“ breytinga á skuldbindingu	3.357	7,6%
Áhrif breytinga á dánarlíkum	2.670	6,0%
Áhrif breytinga á hlutfalli launagreiðanda	4.285	9,6%
Áfallin skuldbinding launagreiðanda í árslok	54.115	
Heildargjaldfærsla	10.312	23,2%
Þátttaka í lífeyrisgreiðslum á árinu	( 640 )	-1,4%
Breyting á skuldbindingu	9.672	21,8%

Fjárhæðir eru í þúsundum kr.

### Viðbrögð í endurskoðuninni

Endurskoðun lífeyrisskuldbindinga felur meðal annars í sér mat á hæfi og yfirferð á aðferðum tryggingastærðfræðings sem reiknar út skuldbindinguna. Einnig yfirferð á undirliggjandi gögnum og forsendum, yfirferð á breytingum á forsendum frá fyrra ári og greiningaraðgerðir.

### Niðurstöður okkar

Við gerum ekki athugasemdir við færslu lífeyrisskuldbindingar í ársreikningi sveitarfélagsins.



# Áherslur í endurskoðun

## 10 Skuldir við lánastofnanir

## Aðrar áherslur í endurskoðun

### Skilgreining

Langtímaskuldir eru færðar í efnahagsreikning í árslok eins og lánskjör segja til um.

Á hverjum reikningsskiladegi er viðkomandi lán fært upp miðað við gildandi vísitölu eða gengi uppgjörsdags ef lán er í erlendri mynt.

Áfallnir vextir eru uppreiknaðir og færðir meðal skammtímaskulda ef þeir eru greiðslukræfir innan 12 mánaða.

Næsta árs afborganir langtímaskulda eru færðar meðal skammtímaskulda.

Framsetning og matsaðferðir í ársreikningi eru óbreyttar frá fyrra ári, sjá nánar í skýringu 14 með ársreikningi.

### Viðbrögð í endurskoðuninni

Við endurskoðun okkar höfum við m.a. aflað staðfestinga frá fjármálastofnunum um stöðu skulda í árslok, beitt greiningaraðgerðum, endurreiknað fjárhagsskilyrði og yfirfarið framsetningu.

Engin breyting er á endurskoðunarnálgun okkar frá fyrra ári.

### Niðurstöður okkar

Við gerum ekki athugasemdir við færslu skulda við lánastofnanir í ársreikningi sveitarfélagsins.

# Áherslur í endurskoðun - önnur mál

## 11 Málaferli og kröfur

### Ólögmat uppsögn

Fyrrum sveitarstjóri Strandabyggðar höfðaði mál á hendur sveitarfélaginu í kjölfar uppsagnar á árinu 2021 þar sem krafist var greiðslu biðlauna auk miskabóta.

Þann 7. apríl 2022 féll dómur í málinu í Héraðsdómi Vestfjarða þar sem sveitarfélagið var sýknað af kröfum fyrrum sveitarstjóra um greiðslu biðlauna en dæmt til greiðslu miskabóta. Ekki hefur verið tekin ákvörðun um áfrýjun málsins. Gerð er grein fyrir málinu í skýringu 20.

### Viðbrögð í endurskoðuninni

Við endurskoðun okkar fengum við upplýsingar frá lögfræðingum sem unnu fyrir sveitarfélagið um stöðu mála.

Engin breyting er á endurskoðunarnálgun okkar frá fyrra ári.

### Niðurstöður okkar

Niðurstöður okkar eru án athugasemda.

# Ítarefni

## Efnisyfirlit

## bls.

---

Aðrar upplýsingar til sveitarstjórnar	20
Óhæði	21
Fyrirvarar	22
Breytingar í vændum	23

# Aðrar upplýsingar til sveitarstjórnar

- Engin atriði sem þarf að upplýsa um
- Atriði sem þarf að upplýsa um

Atriði	Viðbrögð	Atriði	Viðbrögð
<b>Staðfestingabréf stjórnenda</b>	<ul style="list-style-type: none"><li>● Við höfum ekki farið fram á sérstakar staðfestingar stjórnenda umfram þær sem koma fram í hefðbundnu staðfestingabréfi stjórnenda fyrir árið 2021.</li></ul>	<b>Verulegir erfiðleikar</b>	<ul style="list-style-type: none"><li>● Ekki komu upp verulegir erfiðleikar við endurskoðunina.</li></ul>
<b>Tengdir aðilar</b>	<ul style="list-style-type: none"><li>● Það komu ekki upp veruleg atriði vegna tengdra aðila í endurskoðun okkar.</li></ul>	<b>Ágreiningur við stjórnendur eða takmörkun á umfangi</b>	<ul style="list-style-type: none"><li>● Ekki kom upp ágreiningur milli endurskoðunarteymis og stjórnenda. Stjórnendur settu ekki takmarkanir á umfang endurskoðunarinnar.</li></ul>
<b>Önnur atriði sem við viljum vekja athygli á</b>	<ul style="list-style-type: none"><li>● Það er faglegt mat okkar að ekkert hafi komið fram í endurskoðuninni sem hefur veruleg áhrif á reikningssskilagerðina.</li></ul>	<b>Staðfesting á óhæði</b>	<ul style="list-style-type: none"><li>● Ekki kom upp brot á óhæðisreglum við endurskoðunina. Endurskoðunarteymið og aðrir hjá KPMG sem tengjast endurskoðuninni hafa fylgt siðareglum um óhæði.</li></ul>
<b>Veikleikar í innra eftirliti</b>	<ul style="list-style-type: none"><li>● Við höfum greint stjórnendum frá helstu veikleikum í innra eftirliti sem komu fram við endurskoðunina. Greint er frá verulegum veikleikum í þessari skýrslu.</li></ul>	<b>Reikningsskilaaðferðir</b>	<ul style="list-style-type: none"><li>● Í endurskoðun okkar höfum við metið hversu viðeigandi reikningsskilareglur, reikningshaldslegt mat og skýringar eru í ársreikningi sveitarfélagsins. Almenn tölur við þessi atriði vera viðeigandi.</li></ul>
<b>Áritun á ársreikninginn</b>	<ul style="list-style-type: none"><li>● Áritun okkar á ársreikning sveitarfélagsins verður fyrirvaralaus en með ábendingarmálgrein er snýr að stöðu rekstrar.</li></ul>	<b>Veruleg atriði sem voru rædd eða á að greina stjórnendum frá</b>	<ul style="list-style-type: none"><li>● Farið var yfir helstu niðurstöður endurskoðunar með stjórnendum.</li></ul>
<b>Sviksemi eða grunur um sviksemi, lögum og reglum ekki fylgt eða ólöglegt athæfi</b>	<ul style="list-style-type: none"><li>● Ekki hafa komið upp sviksemisatvik eða grunur um sviksemi stjórnenda sveitarfélagsins eða starfsmanna í lykilstöðum innra eftirlits sem leiðir til verulegrar skekkju í ársreikningi.</li></ul>	<b>Rekstrarhæfi</b>	<ul style="list-style-type: none"><li>● Ekki komu fram atburðir eða aðstæður sem vekja verulegar efasemdir um áframhaldandi rekstrarhæfi sveitarfélagsins. Rétt er þó að benda á að fjallað er um horfur í rekstri í skýrslu og áritun sveitarstjóra og sveitarstjórnar sem og skýringu 19 í ársreikningi.</li></ul>
<b>Ytri sérfræðingar</b>	<ul style="list-style-type: none"><li>● Við endurskoðunina byggðum við á vinnu sérfræðings, tryggingastærðfræðings, utan KPMG sem hefur staðfest óhæði sitt gagnvart sveitarfélaginu og þeim lífeyrissjóðum sem úttekt skuldbindingar er framkvæmd vegna.</li></ul>		
<b>Umbeðin gögn og skýringar</b>	<ul style="list-style-type: none"><li>● Stjórnendur veittu okkur öll gögn og skýringar sem við óskuðum eftir.</li></ul>		

# Óhæði

Við útgáfu þessarar skýrslu staðfestum við að ekki hafa komið upp atriði sem skerða óhæði okkar eða draga úr hlutleysi.

Sem endurskoðunarfyrirtæki erum við skuldbundin til að vera óháð í reynd og í ásýnd. Við höfum metið og staðfest óhæði okkar sem endurskoðenda og óhæði allra starfsmanna okkar sem koma að endurskoðuninni.

Alþjóðlegur endurskoðunarstaðall ISA 260 og lög um endurskoðendur kveða á um skyldu okkar til að upplýsa um öll mál sem ætla má að geti haft áhrif á óhæði okkar, tilgreina þær varúðarráðstafanir sem gripið hefur verið til vegna þeirra mála og að staðfesta óhæði okkar.

Í samræmi við siða- og óhæðisreglur ber öllum eigendum og starfsmönnum KPMG að staðfesta árlega að þeir hafi farið að reglum um óhæði, þar á meðal að þeir eigi ekki fjárhagslegra hagsmuna að gæta sem ganga gegn óhæðisreglum.

Eftir að hafa farið yfir framangreint og önnur viðeigandi atriði er það mat okkar að KPMG sé óháð í samræmi við lög, reglur og endurskoðunarstaðla.

## Skýrsla þessi er gerð í samræmi við skilmála bréfs okkar um endurskoðun.

- Efni skýrslunnar er eingöngu byggt á aðgerðum sem eru nauðsynlegar við endurskoðun okkar.
- Takmörkun á ábyrgð vegna dreifingar á skýrslunni.

## Tilgangur skýrslunnar

Skýrslan hefur verið gerð í tengslum við endurskoðun okkar á ársreikningi sveitarfélagsins fyrir árið 2021, sem gerður er í samræmi við sveitarstjórnarlög, lög um ársreikninga nr. 3/2006 og reglugerð um bókhald, fjárhagsáætlanir og ársreikninga sveitarfélaga nr.1212/2015.

Skýrslan er gerð fyrir stjórnendur, sem við teljum vera sveitarstjórn og oddvita, í því skyni að upplýsa um atriði sem máli geta skipt samkvæmt alþjóðlegum endurskoðunarstöðlum (ISA), þar á meðal samkvæmt ISA 260 Samskipti við stjórnendur, og önnur atriði sem við höfum komist að við endurskoðun okkar og við teljum að geti verið áhugaverð, en ekki í neinu öðru skyni.

Í skýrslunni eru tilgreind lykilatriði sem við höfum komist að við endurskoðun okkar en ekki er um að ræða endurtekningu á atriðum sem við höfum þegar tilkynnt ykkur um.

## Takmarkanir á vinnu

Skýrslan er aðskilin frá áritun endurskoðanda og veitir ekki viðbótarálit á ársreikningi sveitarfélagsins. Skýrslan bætir ekki við eða breytir skyldum okkar sem endurskoðenda.

Við höfum ekki skipulagt eða framkvæmt aðrar aðgerðir en þær sem okkur ber sem endurskoðendum í því skyni að koma auga á eða miðla til ykkar upplýsingum um þau atriði sem fram koma í þessari skýrslu.

Atriði í skýrslunni eru byggð á þekkingu sem við höfum aflað sem endurskoðendur ykkar. Við höfum ekki sannreynt nákvæmni eða heild slíkra upplýsinga að öðru leyti en því sem af okkur er krafist í tengslum við endurskoðunina.

## Takmörkun á ábyrgð

Skýrslan er gerð á þeim grundvelli að hún er aðeins í þágu stjórnenda sveitarfélagsins. Það eru þó engar takmarkanir á frekari dreifingu skýrslunnar af okkar hálfu en við samþykkjum ekki neina ábyrgð gagnvart þriðja aðila, sé vitnað í hana eða vísað til hennar að hluta eða í heild.

# Breytingar í vændum

**Á árinu 2021 voru eftirfarandi breytingar gerðar á reglugerð 1212/2015, um bókhald, fjárhagsáætlanir og ársreikninga sveitarfélaga sem sveitarfélagið. Upphaflega var gert ráð fyrir að breytingin tæki gildi fyrir ársreikninga 2021 en í janúar 2022 var sett bráðabirgðaákvæði inn í reglugerð 1212/2015 sem heimilar sveitarfélögum að fresta beitingu reikningsskilaðferðar um eitt ár. Sveitarfélögum sem nýta sér umrædda heimild skulu þó hafa fyrir 1. júní hafa samþykkt viðauka við fjárhagsáætlun 2022 sem aðlagar áætlunina að hinni nýju reikningsskilaðferð.**

**Reikningshaldsleg meðferð byggðasamlaga og annarra fyrirtækja með ótakmarkaðri ábyrgð sveitarfélags**

Breyting var gerð á 3. mgr. 20. gr. reglugerðarinnar á þann hátt að sveitarfélögum er nú gert að færa inn í samantekin reikningsskil sín byggðasamlög, sameignarfélög, sameignarfyrirtæki og önnur félagaform með ótakmarkaðri ábyrgð miðað við hlutfallslega ábyrgð sveitarfélags.

Því ber sveitarfélagi að færa hlutdeild í einstökum liðum rekstrar og efnahags viðkomandi einingar (hlutfallsleg samstæða).

Rétt er að geta þess að ofangreint hefur áhrif á öll sveitarfélög sem standa að rekstri og/eða bera ábyrgð á viðkomandi einingum óháð eignarhluta.

Reikningsskila og upplýsinganefnd sveitarfélaga hefur ekki gefið út frekari leiðbeiningar eða álit um túlkun þessa ákvæðis.

## Breytingar á fylgiskjölum

Á sama tíma voru gerðar ýmsar breytingar á fylgiskjölum við reglugerðina en þau eru eftirfarandi:

Fylgiskjal I - Um flokkun og greiningu í bókhaldi/reikningshaldi sveitarfélaga ásamt upplýsingaveitu og tvílyklun

Fylgiskjal II - Um form ársreikninga og fjárhagsáætlana sveitarfélaga

Fylgiskjal III - Gerð viðauka við fjárhagsáætlun sveitarfélaga

Fylgiskjal IV - Ábyrgða- og skuldbindingayfirlit sveitarfélaga.

# Viðaukar

## Efnisyfirlit

---

**bls.**

Lykiltölur og fjárhagsáætlanir

25



# Lykiltölur og fjárhagsáætlanir 2022-2025

- Fjárhagsáætlanir sveitarfélaga eru eitt mikilvægasta stjórnþæki þeirra. Samkvæmt sveitastjórnarlögum tekur áætlanagerðin til næstu fjögurra ára.
- Stefna stjórnenda til lengri tíma birtist þannig í fjárhagsáætlun sem er nánar útfærð í áætlun næsta árs.
- Sveitarstjórn hefur afgreitt áætlun um rekstur, framkvæmdir og fjármögnun fyrir sveitarfélagið allt til ársins 2025 eins og sveitarstjórnarlög mæla fyrir um.
- Í fjárhagsáætlun 2022 er gert ráð fyrir verulegum bata í framlegð og að veltufé frá rekstri nemi 91,2 millj. kr. Í útkomuspá ársins 2021 er gert ráð fyrir að handbært fé í árslok næmi 100,6 millj. kr. en samkvæmt ársreikningi 2021 nemur það 37,2 millj. kr. Mikilvægt er að sveitarstjórn yfirfari áætlun 2022-2025 með hliðsjón af rauntölum ársins 2021.
- Markmið fjárhagsáætlunar 2022-2025 um rekstrarbata og aukið veltufé frá rekstri eru metnaðarfull. Mikilvægt er að þeim sé fylgt eftir með fastmótuðum aðgerðum af hálfu sveitarstjórnar og stjórnenda sveitarfélagsins.

- Samkvæmt samþykktum áætlunum er gert ráð fyrir jákvæðri rekstrarniðurstöðu árin 2022-2025.
- Gangi fjárhagsáætlanir eftir fyrir árin 2022-2025 má gera ráð fyrir því að rekstrarjöfnuður verði jákvæður í árslok 2023.
- Gert er ráð fyrir að veltufé frá rekstri nemi alls 469,1 millj. kr. á tímabilinu. Á sama tímabili er gert ráð fyrir afborgunum af langtímalánum og skuldbindingum að fjárhæð 268,0 millj. kr.
- Uppsafnaður greiðsluafgangur frá rekstri árána 2022-2025 nemur um 201,0 millj. kr. gangi áætlanir eftir.
- Reiknað er með að fjárfestingahreyfingar árána 2022-2025 nemi 207,7 millj. kr.
- Samkvæmt fjárhagsáætlunum 2022-2025 er gert ráð fyrir því að fjárförf vegna fjárfestinga og afborgana langtímalána sé mætt með lántöku að fjárhæð 70 millj. kr. auk fjármunamyndunar rekstrar.


# Lykiltölur og fjárhagsáætlanir 2022-2025, (frh.)

Hér að neðan má sjá þróun rekstrar og veltufjár frá rekstri til ársins 2025 í samanburði við fjárpörf vegna greiðslubyrði lána og fjárfestingar A og B hluta samkvæmt samþykktri áætlun. Fjárhæðir eru birtar í þús. kr.

	Ársreikningur 2020	Ársreikningur 2021	Áætlun 2022	Áætlun 2023	Áætlun 2024	Áætlun 2025
Rekstrartekjur .....	648.916	696.785	748.373	803.164	824.538	865.297
Rekstrargjöld án afskrifta .....	( 615.614 )	( 649.516 )	( 638.377 )	( 658.266 )	( 684.244 )	( 724.524 )
Rekstrarniðurstaða fyrir afskriftir .....	33.302	47.269	109.996	144.898	140.294	140.773
Afskriftir .....	( 33.711 )	( 32.733 )	( 37.624 )	( 39.473 )	( 40.614 )	( 37.858 )
Fjármunatekjur og fjármagnsgjöld .....	( 44.832 )	( 55.495 )	( 49.593 )	( 43.347 )	( 40.175 )	( 37.858 )
Hlutdeild minnihluta í afkomu .....	754	1.485	0	0	0	0
<b>Rekstrarniðurstaða .....</b>	<b>( 44.487 )</b>	<b>( 39.475 )</b>	<b>22.779</b>	<b>62.079</b>	<b>59.505</b>	<b>65.057</b>
Rekstrarjöfnuður á þriggja ára tímabili .....	(97.236)	(130.668)	( 61.183 )	45.382	144.362	186.640
Veltufé (til) frá rekstri, skv. sjóðstreymi .....	( 5.120 )	37.668	91.174	126.975	124.398	126.513
Afborganir langtímalána og skuldbindinga .....	( 50.324 )	( 92.225 )	( 65.635 )	( 65.154 )	( 67.376 )	( 69.869 )
<b>Greiðsluafgangur (fjárpörf) .....</b>	<b>( 55.444 )</b>	<b>( 54.557 )</b>	<b>( 65.550 )</b>	<b>( 57.584 )</b>	<b>( 18.034 )</b>	<b>987</b>
<b>Uppsöfnuð fjárpörf 2022-2025, eftir afborgana lána og skuldbindinga .....</b>			<b>( 65.550 )</b>	<b>( 123.134 )</b>	<b>( 141.168 )</b>	<b>( 140.181 )</b>
Fjárfestingarhreyfingar tímabilsins 2022-2025 .....			( 82.558 )	( 54.058 )	( 35.558 )	( 35.558 )
<b>Uppsöfnuð fjárpörf 2022-2025, vegna fjárfestingar .....</b>			<b>( 12.450 )</b>	<b>( 22.450 )</b>	<b>( 32.450 )</b>	<b>( 42.450 )</b>
<b>Uppsöfnuð fjárpörf 2022-2025 .....</b>			<b>( 78.000 )</b>	<b>( 145.584 )</b>	<b>( 173.618 )</b>	<b>( 182.631 )</b>
Skuldir og skuldbindingar .....	828.455	862.532	944.130	994.357	1.020.378	1.018.746
Skuldahlutfall, skv. skilgreiningu í reglugerð .....	127,7%	123,8%	126%	124%	124%	118%

# Lykiltölur og fjárhagsáætlanir 2022-2025, (frh.)

## Rekstrarjöfnuður á þriggja ára tímabili, í þús. kr.



Samkvæmt sveitarstjórnarlögum nr. 138/2011 ber sveitarstjórn að sjá til þess að rekstri, fjárfestingum og ráðstöfun eigna og sjóða sé þannig hagað á hverjum tíma að sveitarfélagið muni til framtíðar geta sinnt skyldubundnum verkefnum sínum (64. gr.).

Framangreindri skyldu skulu sveitarstjórnir m.a. fullnægja með því að heildarútgjöld til rekstrar vegna A og B hluta séu á hverju þriggja ára tímabili ekki hærrí en nemur samanlögðum reglulegum tekjum.


Athygli er vakin á ákvæði 13. gr. laga um breytingu á ýmsum lögum til að mæta efnahagslegum áhrifum heimsfaraldurs kórónaveiru nr. 25/2020. Þar er sveitarstjórnnum heimilað að víkja frá skilyrðum 1. og 2. tölul., 2. mgr. 64. gr. sveitarstjórnarlaga við stjórn sveitarfélagsins, þ.e. um jafnvægisreglu og skuldahlutfall, á tímabilinu frá 2020 til 2025.

Stöplariði sýnir yfirlit um þróun rekstrarjafnaðar fyrir A hluta annars vegar og samantekinn A og B hluta hins vegar.

Árin 2019, 2020 og 2021 er rekstrarniðurstaða miðuð við ársreikning viðkomandi árs, en 2022 til 2025 í samræmi við áætlaða rekstrarniðurstöðu í samþykktum áætlunum sveitarfélagsins.

# Lykiltölur og fjárhagsáætlanir 2022-2025, (frh.)

## Framlegðarhlutfall



Eftirlitsnefnd með fjármálum sveitarfélaga skal við yfirferð sína á ársreikningum og fjárhagsáætlunum sveitarfélaga, athuga hvort sveitarfélag uppfyllir viðmið um rekstur og skuldastöðu, sbr. 64. gr. sveitarstjórnarlaga. Sama á við um viðauka við fjárhagsáætlun ef þeir hafa áhrif á rekstrarniðurstöðu eða skuldastöðu sveitarfélagsins. Athugun á skilgreindum viðmiðum og lykiltölum eru meðal annarra þátta grundvöllur heildarmats eftirlitsnefndar á fjárhagsstöðu og fjárhagslegri sjálfbærni sveitarfélaga.

Ein af þeim lykiltölum sem miðað er við er framlegð sem hlutfall af reglulegum tekjum. Framlegð er samkvæmt skilgreiningu reglulegar tekjur að frádregnum rekstrargjöldum, en án afskrifta, fjármunatekna og fjármagnsgjalda.


Línuritið sýnir yfirlit um þróun framlegðarhlutfalls fyrir A hluta annars vegar og samantekinn A og B hluta hins vegar.

Árin 2020 og 2021 er miðað við ársreikning viðkomandi árs, en 2022 til 2025 er miðað við áætlaða niðurstöðu í samþykktum áætlunum sveitarfélagsins.

Rétt er að benda á mikilvægi þess að áætlanagerð taki mið af niðurstöðu rauntalna.

# Lykiltölur og fjárhagsáætlanir 2022-2025, (frh.)

## Skuldir og skuldbindingar í þús. kr.




Stöplarið sýnir yfirlit um heildarskuldir og skuldbindingar í millj. kr. fyrir A hluta annars vegar og samantekinn A og B hluta hins vegar.

Árin 2020 og 2021 eru birt í samræmi við ársreikninga viðkomandi ára, en 2022 til 2025 í samræmi við áætlaða breytingu á heildarskuldum og skuldbindingum í samþykktum áætlunum sveitarfélagsins.

# Lykiltölur og fjárhagsáætlanir 2022-2025, (frh.)

## Skuldahlutfall



Samkvæmt sveitarstjórnarlögum nr. 138/2011 ber sveitarstjórn að sjá til þess að rekstri, fjárfestingum og ráðstöfun eigna og sjóða sé þannig hagað á hverjum tíma að sveitarfélagið muni til framtíðar geta sinnt skyldubundnum verkefnum sínum (64. gr.).

Framangreindri skyldu skulu sveitarstjórnir m.a. fullnægja með því að heildarskuldir og skuldbindingar A og B hluta séu ekki hærri en sem nemur 150% af reglulegum tekjum.

Skuldahlutfall og skuldaviðmið eru skilgreind í reglugerð um fjárhagsleg viðmið og eftirlit með fjármálum sveitarfélaga nr. 502/2012.


Línuritið sýnir yfirlit um þróun skuldahlutfalls fyrir A hluta annars vegar og samantekinn A og B hluta hinsvegar.

Árin 2020 og 2021 eru skuldir miðaðar við ársreikninga viðkomandi ára, en 2022 til 2025 í samræmi við áætlaða breytingu á heildarskuldum og skuldbindingum í samþykktum áætlunum sveitarfélagsins.

Við útreikning á hlutfallinu er miðað við rekstrartekjur samkvæmt sömu ársreikningum og áætlunum.

# Lykiltölur og fjárhagsáætlanir 2022-2025, (frh.)

## Skuldaviðmið



— Hámark skv. lögum	150,0%	150,0%	150,0%	150,0%	150,0%	150,0%
— A hluti - gildandi	76,3%	71,7%	74,6%	61,2%	50,4%	39,2%
— A og B hluti - gildandi	109,2%	100,9%	88,6%	77,0%	67,6%	57,3%

Skuldahlutfall og skuldaviðmið eru skilgreind í reglugerð um fjárhagsleg viðmið og eftirlit með fjármálum sveitarfélaga nr. 502/2012.

Við útreikning á skuldaviðmiði skal draga frá heildarskuldum núvirði lífeyrisskuldbindingar sem áætlað er að komi til greiðslu eftir 15 ár og síðar, veltufjármuni og eftirstöðvar fyrirframgreiðslu vegna A deildar Brúar lífeyrissjóðs.


Athygli er vakin á ákvæði 13. gr. laga um breytingu á ýmsum lögum til að mæta efnahagslegum áhrifum heimsfaraldurs kórónaveiru nr. 25/2020. Þar er sveitarstjórnnum heimilað að víkja frá skilyrðum 1. og 2. tölul., 2. mgr. 64. gr. sveitarstjórnarlaga við stjórn sveitarfélagsins, þ.e. um jafnvægisreglu og skuldahlutfall, á tímabilinu frá 2020 til 2025.

Árin 2020 og 2021 eru skuldir miðaðar við ársreikninga viðkomandi ára, en 2022 til 2025 í samræmi við áætlaða breytingu á skuldum og skuldbindingum í samþykktum áætlunum sveitarfélagsins.

Við útreikning á hlutfallinu er miðað við rekstrartekjur samkvæmt sömu ársreikningum og áætlunum.

# Lykiltölur og fjárhagsáætlanir 2022-2025, (frh.)

## Eiginfjárhlutfall



Línuritíð sýnir eiginfjárhlutfall A hluta annars vegar og A og B hluta hins vegar.

Árin 2020 og 2021 eru sýnd samkvæmt ársreikningum viðkomandi ára, en árin 2022 til 2025 samkvæmt áætlaðri breytingu á eiginfjárhlutfalli í samþykktum fjárhagsáætlunum sveitarfélagsins.



